

NARODNI HEROJI IZ DRUGE GIMNAZIJE



Ognjen Prica

OGNJEN PRICA (1899-1941)

Narodni heroj Ognjen Prica rođen je u Sarajevu. Maturirao je na Prvoj muškoj gimnaziji u Sarajevu, a Filozofski fakultet studirao u Zagrebu. Još kao đak priključuje se naprednom omladinskom pokretu. Kratko vrijeme bopravi u inostranstvu. Krajem 1923. godine vraća se u Sarajevo i postaje profesor na Drugoj muškoj gimnaziji, gdje nastavlja svoj revolucionarni rad. Godine 1928. je otpušten iz službe i tada postaje urednik časopisa „Borba“. Iste godine je uhapšen i zatvoren u Sremskoj Mitrovici. U zatvoru se bavi publicističkim radom. U julu 1941. godine, ustaše ga strijeljaju, zajedno sa grupom istaknutih sarajevskih revolucionara.



Miladin Radojević

MILADIN RADOJEVIĆ (1914-1941)

Rođen je u Stocu, u siromašnoj porodici. Zbog školovanja dolazi u Sarajevo. Jedno vrijeme je učenik Druge muške gimnazije, a potom i Srednje tehničke škole. Rano se priključio narodnooslobodilačkom pokretu. Bio je hrabar borac koji se istakao junaštvom u kalinovačkoj oblasti. Za narodnog heroja je proglašen 1951. godine.



Milenko Cvitković

MILJENKO CVITKOVIĆ (1914-1943)

Rođen je u Sarajevu, gdje je završio osnovnu školu. Nakon toga upisuje Drugu mušku gimnaziju, a potom i Pravni fakultet u Beogradu. Učesnik je građanskog rata u Španiji (1936-1939), gdje se borio na strani internacionalnih brigada i gdje je odlikovan za hrabrost. U Bosanskoj krajini je jedan od organizatora ustanka protiv fašizma, a potom ratuje i u istočnoj Bosni. Nastradao je na lokalitetu Trovrh za vrijeme Pete neprijateljske ofanzive.



Enes Orman

ENES ORMAN (1921-1944)

Rođen je u Ljubuškom. Nakon završene osnovne škole dolazi u Sarajevo, gdje se upisuje na Drugu mušku gimnaziju. Godine 1941. u Beogradu studira Medicinski fakultet. Tu se i priključuje grupi naprednih omladinaca. Na početku Drugog svjetskog rata odlazi u partizane. Ističe se svojom hrabrošću na mostarskom ratištu i u borbama za oslobođenje Jajca. Godine 1944. strada od četnika.



Branko Šurbat

BRANKO ŠURBAT (1920-1943)

Rođen je u Sarajevu, gdje završava osnovnu školu. Nakon toga upisuje se na Drugu mušku gimnaziju i postaje pripadnik naprednog omladinskog pokreta. Godine 1941. priključuje se partizanskim jedinicama i učestvuje na mnogim ratištima. Bio je politički komesar svog partizanskog odreda. Poginuo je za vrijeme Pete neprijateljske ofanzive na lokalitetu Trovrh.



Boriša Kovačević

BORIŠA KOVAČEVIĆ (1908-1943)

Rođen je u Sarajevu. Nakon završene osnovne škole upisuje se na Drugu mušku gimnaziju, a potom na Filozofski fakultet u Beogradu. Za vrijeme studija postaje član naprednog omladinskog pokreta. Zbog svojih ilegalnih aktivnosti, više puta je hapšen i proganjan. Organizuje narodni ustanak na području Romanije. Godine 1942. vijećnik je na prvom zasjedanju AVNOJ-a. Poginuo je u junu 1943. godine u borbama u mjestu Miljevina kod Foče.



Slobodan Princip-Seljo

SLOBODAN PRINCIP SELJO (1914-1943)

Rođen je u Sarajevu. Bratić je Gavrila Principa. Poslije završene osnovne škole, pohađa Drugu mušku gimnaziju. Početkom Drugog svjetskog rata, priključuje se narodnooslobodilačkoj borbi i organizuje ustanak naroda istočne Bosne. Krajem 1941. godine postaje član Glavnog štaba partizanske vojske. U martu 1943. godine umire od tifusa u Ratnoj bolnici na Šćepan- Polju.